

以罪之也其弊習之未易變可見矣至若喪制皆有定制而喪制僭濫莫
此時若也人人皆欲出人之上故有經年暴露不得葬者非徒紊禮不祥
莫大焉君子不以天下儉其親人子之心孰不欲厚葬其親然不得為而
為之固所不可而今則無石灰則不葬弊莫甚焉此宜禁斷○臺諫啓前
事不允○日暉○夜東方有氣如火○辛未 大殿誕日百官以權停禮行
賀禮○臺諫啓前事不允○夜東方有氣如火○壬申禮曹判書柳灌啓曰
威化島唐人日廣其居雖徃諭之固無益也前者上國旣治其罪又令我
國禁之彼猶不知畏不可不為之慮也布政司知此事首末今適有平
安咸鏡等道刷還唐人令李和宗解送仍移洛遼東而言之何如傳曰
威化島乃疆域之外非我國土也今此事遼東獨知之朝廷則專不知
如或知之恐有譴責也且無名送人于遼東不可故姑欲使邊將徃諭
于威化島今觀啓意若有走回人口可因此移洛其議于大臣○臺諫
啓前事張明達事依兄餘不允○傳于政院曰今聞領相證候危重深
用憂念若有大故殿試當自退之行幸時前後鼓吹實是禮儀固不可
廢至於射壇殿坐處其勿舉妓樂○遣都承旨鄭百朋問領議政張順
孫之病百朋還以順孫之言啓曰臣之疾胷中支滿或徃或來自昨日益